

Directiva di Fundacion Dominicana Arubaanse Juan Pablo Duarte a keda instala

ORANJESTAD – Dia-domingo ultimo a ser instala e directiva nobo di Fundacion Dominicana Arubaanse Juan Pablo Duarte. Esaki a tuma lugar net un siman despues cu a wordo celebra un eleccion pa eligi e shete miembronan di e directiva nobo pa un periodo di tres aña (2014- 2017).

E acto aki cu a ser presidi pa sr. Jorge Bencosme kende tabata miembro di e con-seho electoral. E tabata esun encarga pa huramenta e directiva nobo cu ta consisti di algun miembronan di e directiva cu a caba di baha y otro miembronan nobo kendenan a ricibi nan respectivo certificado cu ta acredita nan. E directiva a keda como lo siguiente: Winton Tavares (Presidente); Mildred Cabrera (vice-presidente); Cristino Suarez (tesorero); Belkis Lajara (vice-tesorera); Virtudes Payano (secretaria); Freddy Montas (vice-secretario) y Cecilia Meran (miembro di directiva).

Obhetivonan

Durante un entrevista cu Bon Dia Aruba e presidente reelegi di e fundacion, sr. Winston Tavares cu un obhetivo di e directiva nobo tin di haber cu un sede nobo; mas programa educativo y charla pa e comunidad Dominicano. Igualmente nan kier fortalece e fundacion cu mil miembro nobo.

Encuanto e fondonan cu nan mester pa sigui funciona sr. Tavares a señala cu nan no ta ricibi subsidio di gobierno sino cu nan a yega di haya algun ayudo manera computer y stoel dor di CEDE Aruba. Nan fondonan ta depende di e contribucion di nan miembronan y logicamente di e actividadnan cu nan ta realisa.

Durante e ceremonia di instalacion di e directiva nobo di Fundacion Dominicana Arubaanse Juan Pablo Duarte tabatin un presentacion folklorico di e grupo di danza di sra. Ramona; y un brindis acompaña cu snack y bon deseanan pa e directiva nobo.

